

բաւ կոյս գրացուն իւրոյ ընդ իւր առ հիւսիս կոյս և ձգելոյ ձիւն տան առ հիւսիս կողմ:

Գ Լ ՈՒ Խ ՄՇԱ.

Ամենայն տուն ունի արձակութիւն ձգել ձիւնն տանն իւրոյ առ փողոց սահմանն տան իւրոյ, և նմանապէս յեղուլ ջուրն անձրևաց:

Գ Լ ՈՒ Խ ՄՇԲ.

Ամենայն մարդիկ որք գրացի լինելով տանց կամին կազմել գտունս իւրեանց մինչև ցեօթն աստիճանս բարձրութեան, պարտ են տալ տեղի մի քայլ երկրէն իւրմէ առ հարաւ կոյս գրացւոյ վասն հեղելոց ջրոյ և այլն, և եթէ գրացին ոչ կամի 'ի բարձրութենէ նորա տեսանել տուն իւր կարող լինիցի շարել պարխսպ այնքան բարձր որ ինքն կամեսցի առ 'ի արգելուլ տեսարանն բարձրաբերձ տանց:

Գ Լ ՈՒ Խ ՄՇԳ.

Եթէ բարձր աստիճանիւ տուն գտցի առաջագոյն շինեցեալ 'ի նմա հիւսիս կոյս յետոյ, ով որ յապահ շինողք տանց իւրեանց կարող լիցի 'ի վերայ երկրին իւրոյ շարել պարխսպ որքան բարձրութեամբ որ ինքն կամեսցի 'ի անտեսչութիւն մէջ տան իւրոյ և հեղիցէ ջուր և ձիւն առ տուն և փողոցն իւր: